



**Grad Sarajevo**  
**City of Sarajevo**

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo

**GRADSKO VIJEĆE**

Broj: 01-GV-02-1238/22  
Datum, 26.07.2022. godine

Na osnovu člana 26. stav 1. tačka 2. i člana 74. stav 1. Statuta Grada Sarajeva („Službene novine Kantona Sarajevo”, broj 34/08 – prečišćeni tekst), Gradsko vijeće Grada Sarajeva, na 18. sjednici održanoj dana 26.07.2022. godine, primilo je k znanju

Informaciju o aktivnostima na realizaciji projekta čišćenja i uklanjanja nanosa i mulja iz korita rijeke Miljacke, koji je sastavni dio Jedinstvenog projekta „Čista rijeka Miljacka“.

*PREDSJEDAVALJUĆI GRADSKOG VIJEĆA*

*Jasmin Ademović, s.r.*





**Grad Sarajevo**  
**City of Sarajevo**

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo  
**GRADONAČELNICA**

### *Informacija*

*o aktivnostima na realizaciji projekta čišćenja i uklanjanja nanosa i mulja iz korita rijeke Miljacke, koji je sastavni dio Jedinstvenog projekta „Čista rijeka Miljacka“*

*Sarajevo, juli 2022. godine*

---

**Adresa:** Hamdije Kreševljakovića 3  
71000 Sarajevo, BiH  
**Tel:** +387 33 407 443  
**Fax:** +387 33 208 341  
**Email:** [grad@sarajevo.ba](mailto:grad@sarajevo.ba)  
**Web:** [www.sarajevo.ba](http://www.sarajevo.ba)



Na 14. sjednici Gradskog vijeća, održanoj 04.04.2022. godine, Gradsko vijeće Grada Sarajeva primilo je k znanju Informaciju o poduzetim aktivnostima na realizaciji Projekta sanacije, investicionog i tekućeg održavanja te sistemskog održavanja uređenog korita rijeke Miljacke i uređenih korita njenih pritoka na području grada Sarajeva „Čista rijeka Miljacka“, u kojoj je navedeno da su za realizaciju u 2022. godini započete aktivnosti na pripremi projekata koji su sastavni dio Jedininstvenog projekta „Čista rijeka Miljacka“ pa tako i projekta čišćenja korita rijeke Miljacke od nanosa, rastinja, mulja i dr.

Grad Sarajevo je u okviru zakonskih nadležnosti u obavezi da održava uređena, odnosno regulisana korita vodotoka II kategorije na svom području radi obezbjeđenja nesmetanog režima tečenja vode sa ciljem prevashodno preveniranja poplavnih događaja, a zatim i čistog regulisanog dijela korita.

Naime, korito rijeke Miljacke opterećeno je velikim količinama riječnog nanosa različite krupnoće koji je formiran na pojedinim dionicama duž korita. Pored toga, uz obale na pojedinim lokacijama izraslo je šiblje i različito nisko rastinje koje zajedno sa drugim naplavinama smanjuje proticajni profil i mijenja maticu toka te dolazi do podlokavanja obala i narušavanja stabilnosti korita.

U skladu sa Budžetom Grada Sarajeva za 2022. godinu, Planom javnih nabavki Grada Sarajeva za 2022. godinu i Zakonom o javnim nabavkama, naručen je Elaborat o geodetskom snimanju riječnih nanosa u koritu rijeke Miljacke na potezu od brane na Bentbaši do RTV Doma.

Zadatak Elaborata je da se snimi postojeće stanje i na osnovu toga sačini prijedlog rasplaniranja i/ili uklanjanja naplavina i niskog rastinja iz korita na dionici regulisanog korita od brane na Bentbaši do RTV Doma u dužini od 9.630 m i odvoženje na odgovarajuću deponiju ili određenu lokaciju do 5 km, snimiti oštećenja obalnih zidova na pojedinim lokacijama nastala uslijed potkopavanja djelovanjem matice rijeke pri većim vodostajima, kao i predvidjeti sanaciju istih.

Predmetnim Elaboratom će se izvršiti hidrološko-hidraulička analiza postojećeg stanja te prema mjernim profilima geodetskog snimka, izvršiti proračun količine materijala u naplavinama i sprudištima u cijelom regulisanom dijelu koritu od brane na Bentbaši do RTV Doma (tabela masa), te na osnovu postojećih podloga i geodetskog snimanja dati detaljan predmjer i predračun potrebnih radova na rasplaniranju riječnog nanosa, odnosno uklanjanju viška nanosa iz korita, uklanjanje šiblja i niskog rastinja, te nužnih sanacionih radova na oštećenjima obalnih zidova.

Rok za isporuku Elaborata je 07.07.2022. godine. Kako je u međuvremenu pripremljen Nacrt tenderske dokumentacije za nabavku navedenih radova čišćenja korita rijeke Miljacke, to će se odmah pristupiti pokretanju nabavke za izvođenje radova, shodno raspoloživim sredstvima u Budžetu za ovu namjenu, sa ciljem da se radovi izvedu što je moguće prije, odnosno za vrijeme niskog vodostaja rijeke Miljacke.